



XUNTA DE GALICIA Saída 47887 / RX 58771

REGISTRO ELECTRÓNICO  
SANTIAGO DE COMPOSTELA

Data 18/01/2021 08:11:34



DAVID VÁZQUEZ NÓVOA  
asociación FEDERACION TEATRAL AFECCIONADA DE GALICIA -  
FETEAGAL  
LUGAR ABELEDO 12-SANTIAGO DE RABEDA-TABOADELA  
32690 TABOADELA (Ourense)

**Asunto:** Resolución de inscripción de constitución.

Con data 04/12/2020 recibíuse solicitude de inscripción de constitución da asociación no Rexistro Central de Asociacións da Comunidade Autónoma de Galicia, formulada por D/Dona DAVID VÁZQUEZ NÓVOA no nome e representación da **asociación FEDERACION TEATRAL AFECCIONADA DE GALICIA - FETEAGAL**, con domicilio en RÚA ABELEDO Nº12-SANTIAGO DE RABEDA-TABOADELA, 32690 TABOADELA (Ourense), e tendo en conta os seguintes FEITOS:

**Primeiro.** Coa solicitude de inscripción presenta acta de constitución do 20/10/2020 xunto cos correspondentes estatutos, nos cales constan os fins da asociación e o ámbito territorial de actuación correspondente a Comunidade Autónoma de Galicia.

#### CONSIDERACIÓNS LEGAIS

**Primeiro.** O artigo 22 da Constitución española reconece o dereito de asociación, a Lei orgánica 1/2002, do 22 de marzo reguladora do dereito de asociación, reconece e regula o dereito de asociación e o Real decreto 949/2015, do 23 de outubro, polo que se aproba o Regulamento do Rexistro Nacional de Asociacións, establece os requisitos substantivos e de carácter formal que deben cumprir este tipo de entidades para seren inscritas.

**Segundo.** O Decreto 336/1996, do 13 de setembro, da Xunta de Galicia, sobre asunción de funcións e servizos pola Comunidade Autónoma de Galicia en materia de asociacións, e o Decreto 276/1997, do 25 de setembro, polo que se crea o Rexistro Central de Asociacións e se regula a organización e o funcionamento dos rexistros de asociacións da Comunidade Autónoma de Galicia, determinan a competencia rexistral desta Administración en materia de asociacións.

**Terceiro.** En aplicación desta normativa, unha vez examinada a documentación incorporada ao expediente, considérase que cumpre os requisitos establecidos na normativa para a súa inscripción no Rexistro de Asociacións da Comunidade Autónoma.

**Cuarto.** Esta Secretaría Xeral Técnica é competente para resolver este procedemento, en virtude do previsto no Decreto 214/2020 do 3 de decembro, polo que se establece a estrutura orgánica da Vicepresidencia Primeira e Consellería de Presidencia, Xustiza e Turismo.

Vistos os preceptos legais citados e demais normas de xeral aplicación, PROPOÑO:

Inscribir a constitución da **asociación FEDERACION TEATRAL AFECCIONADA DE GALICIA - FETEAGAL** no Rexistro Central de Asociacións, correspondéndolle o núm. **2021/000264-2ª**, e depositar no rexistro a documentación preceptiva para os efectos de publicidade previstos no artigo 22 da Constitución. Esta inscripción non exonera os interesados do cumprimento da normativa vixente reguladora das actividades necesarias para o desenvolvemento dos fins estatutarios.

Esta inscripción formalízase con carácter provisional e converterase en definitiva se no prazo de tres meses contados dende a recepción desta resolución, non se lle notificase ao interesado a incompatibilidade da súa denominación con outra previamente inscrita noutro rexistro.

Contra a presente resolución, que non esgota a vía administrativa, poderá interpoñer recurso de alzada ante o vicepresidente e conselleiro de Presidencia, Administracións Públicas e Xustiza, no prazo dun mes, de acordo co disposto na Lei 39/2015 de 1 de outubro do procedemento administrativo común.

Santiago de Compostela, 15 de xaneiro de 2021  
A xefa do Servizo de Entidades Xurídicas e Corporativas  
Mª Amadora Rodríguez Carreira

RESOLVO: de conformidade coa proposta que antecede  
A secretaria xeral técnica  
Beatriz Cuiña Barja

Asinado por: CUIÑA BARJA, BEATRIZ  
Cargo: Secretaría Xeral  
Data e hora: 15/01/2021 12:53:19

Asinado por: RODRIGUEZ CARREIRA, MARIA  
AMADORA  
Cargo: Xefa Do Servizo  
Data e hora: 15/01/2021 12:49:04

CVE: uESWkEm1z1  
Verificación: <https://sede.xunta.gal/cve>











Copia electrónica auténtica de documento en papel  
111  
3 388  
1664095-6  
1664095-6



- Procurar o logro de subvencións dos diferentes organismos e administracións locais, nacionais e internacionais, para garantir a existencia desta asociación e o cumprimento dos seus fins.
- Realizar viaxes e actividades de tipo cultural, artístico e recreativo que contribúan á formación e desenvolvemento do teatro, así como da satisfacción de afeccións formativas e mellora das relacións sociais.
- Todas aquelas actividades audiovisuais que teñan relación co desenvolvemento do teatro amator.

E todas aquelas actividades que axuden ao fomento, experimentación e desenvolvemento do teatro ou doutras manifestacións culturais ou artísticas e que no seu momento se crean oportunas.

#### Artigo 4º.- Enderezo e ámbito

A Federación establece o seu domicilio social en Galicia, Rúa Abeledo, nº 12, Santiago da Rabeda, 32690, Taboadela, Ourense; e o seu ámbito de actuación principal comprende a COMUNIDADE GALEGA, podendo realizar tamén actividades de ámbito estatal e internacional.

Correo electrónico: [feteagal@gmail.com](mailto:feteagal@gmail.com)

Pedirase ademais dominio para unha futura páxina web.

### CAPÍTULO II

#### ÓRGANOS DA FEDERACIÓN

##### Artigo 5º.- Órganos de goberno e representación da Federación

Os órganos de goberno e representación da Federación son, respectivamente a Asemblea Xeral e a Xunta Directiva.

### CAPÍTULO III

#### ASEMBLEA XERAL

##### Artigo 6º.- Natureza


A Asemblea Xeral é o órgano supremo de goberno da Federación e estará integrada por todas as asociacións ou grupos.

##### Artigo 7º.- Reunións.

As reunións da Asemblea Xeral serán ordinarias e extraordinarias. A Ordinaria celebrárase, como mínimo, unha vez ao ano, no primeiro semestre. As Extraordinarias celebráranse nos supostos previstos pola lei ou:

- a) Cando a Xunta Directiva considere, a xuízo do/a Presidente/a.





CVE: XGREX-46319ceeeccbb-3af3-973d-a6545a6acbbb Copia electrónica auténtica de documento en papel

1050 4400077



- e) Acordo para constituír unha Confederación de Asociacións ou integrarse nalgunha xa existente.
- f) Ratificar as decisións sobre admisión de novas asociacións a proposta da Xunta Directiva.
- g) Expulsión de asociacións a proposta da Xunta Directiva.
- h) Solicitude de declaración de utilidade pública.
- i) Disposición e alleamento de bens.
- j) Aprobar o Regulamento de Réxime Interno.
- k) Remuneración, no seu caso, dos membros da Xunta Directiva.
- l) Aprobar ou rexeitar as propostas da Xunta Directiva en orde ás actividades da Federación.
- m) Calquera outra que non sexa competencia exclusiva da Asemblea Extraordinaria.
- n) Poderá tratarse algún asunto que non estea reflexado na Orde do Día cando estando presentes todos os membros da Asemblea, acorden por unanimidade de todos os membros de dita asemblea, a adopción de algún asunto que consideren carácter urgente.

**Artigo 11º.- Moción de Censura**

Polo menos un terzo das asociacións poderá presentar moción de censura contra o/a Presidente/-a ou calquera dos membros da Xunta Directiva.

A moción de censura terá que anunciarse previamente á Asemblea Xeral e deberá incorporar un candidato/-a alternativo ao membro da Xunta Directiva censurado/-a, ademáis deberá constar na Orde do Día o punto da Moción de Censura presentada. A Asemblea poderá ser suspendida por un tempo non superior a dúas horas para deliberar as posturas da Moción de Censura.

De ser rexeitada a moción de censura, os seus signatarios non poderán presentar outra moción de censura no mesmo período de mandato da Xunta Directiva.

**Artigo 12º.- Facultade da Asemblea Xeral Extraordinaria.**

Correspóndelle a Asemblea Xeral Extraordinaria a modificación dos Estatutos e a disolución da Federación.

**CAPÍTULO IV**

**XUNTA DIRECTIVA**

**Artigo 13º.- Natureza e composición.**

A Xunta Directiva é o órgano de representación que xestiona e representa os intereses da Asociación de acordo coas disposicións e directrices da Asemblea Xeral. Estará formada por:

- Presidente/-a
- Videpresidente/-a
- Secretario/-a





FIRMADO por: (XUNTA DE GALICIA)  
Versión imprimible con información de firma generado desde VALIDe (<http://valide.redsara.es>)  
Firma válida.

Copia electrónica auténtica de documento en papel  
CIVE: XGREV-4074-9000-ec0b-3af3-973d-965d-5f6acbbb  
297340  
44664011

- Tesoureiro/-a
- Poderán incluírse tantas vogalías como se acorde na Asemblea Xeral Ordinaria.

Todos os cargos que compoñen a Xunta Directiva serán designados pola Asemblea Xeral, en pleno uso dos seus dereitos civís e que non estean incursos en motivos de incompatibilidade legalmente establecidos, o seu mandato terá unha duración de 3 anos e renovarse na súa totalidade.

O/A Presidente/a, e Secretario/a da Xunta Directiva serán así mesmo, Presidente/a, e Secretario/a da Federación e da Asemblea Xeral.

**Artigo 14º.-** Procedemento para a elección e substitución de membros.

A elección dos membros da Xunta Directiva pola Asemblea Xeral realizarase mediante a presentación de candidaturas ás que se lles permitirá a adecuada difusión entre os asociados, terán que enviarse aos socios/ Xunta Directiva / correo designado para tal fin cunha antelación de 48h ao inicio da celebración da correspondente reunión.

Por razóns excepcionais, como dimisións ou ceses, as candidaturas poderán ser presentadas durante o transcurso da Asemblea Xeral.

Para poder presentar candidatos á Xunta Directiva, os asociados deberán de levar máis de un ano ininterrompido como Asociados da Federación.

En caso de ausencia ou enfermidade dalgún membro da Xunta Directiva, poderá ser suplido provisionalmente por outro dos compoñentes desta, previa designación por maioría dos seus membros.

Os membros da Xunta Directiva cesarán:

- Por transcurso do período dos seus mandatos.
- Por renuncia expresa.
- Por acordo da Asemblea Xeral.

**Artigo 15º.-** Reunións e quórum de constitución e adopción de acordos.

A Xunta Directiva reunirse, previa convocatoria, debendo de mediar polo menos dez días entre esta e a súa celebración, cantas veces o ditamine o/a Presidente/a e a iniciativa ou petición de calquera dos seus membros. Quedará constituída cando asista a metade máis un dos seus membros e para que os acordos sexan válidos deberán ser adoptados por maioría de votos. No caso de empate, será de calidade o voto do/a calidae do/-a Presidente/a.

As convocatorias das reunións da Xunta Directiva faraaas o/a Secretario cunha antelación de dez días indicando a correspondente orde do día. A Xunta Directiva reunirse como mínimo 4 veces no ano.



**Artigo 16º.-** Facultades da Xunta Directiva.

Son facultades da Xunta Directiva:

- a) Dirixir as actividades sociais e levar a xestión económica e administrativa da Federación, acordando realizar os oportunos contratos e actos sempre que estean amparados pola Asemblea Xeral. Artigo 10.
- b) Executar os acordos da Asemblea Xeral.
- c) Elaborar e someter a aprobación da Asemblea Xeral os presupostos e as contas.
- d) Elaborar, no seu caso, o Regulamento de Réxime Interno.
- e) Resolver sobre a admisión de novas asociacións.
- f) Nomear delegados/as para algunha determinada actividade da Federación.
- g) Calquera outra facultade que non sexa competencia exclusiva da Asemblea Xeral.

**Artigo 17º.-** A/o Presidente/a.

O/a Presidente/a terá as seguintes atribucións.

- a) Representar legalmente á Federación ante toda clase de organismos públicos ou privados.
- b) Convocar, presidir e levantar as sesións que celebre a Asemblea Xeral e a Xunta Directiva.
- c) Dirixir as deliberacións de unha e outra.
- d) Ordenar pagos e autorizar coa súa sinatura os documentos, actas e correspondencia.
- e) Adoptar calquera medida urxente que a boa marcha da Federación aconselle ou, en desenvolvemento das súas actividades, resulte necesaria ou conveniente, sen prexuízo de dar conta posteriormente á Xunta Directiva.

**Artigo 18º.-** O/a Vicepresidente/-a.

- a) Substituíra ao Presidente cando este non poida exercer as súas funcións.

**Artigo 19º.-** O/a Secretario/a.

O/a Secretario/a terá ao seu cargo a dirección dos traballos puramente administrativos da Federación, expedirá certificacións, levará os ficheiros, custodiará a documentación da entidade, remitindo no seu caso, as comunicacións á administración cos requisitos pertinentes.

**Artigo 20º.-** O/a Tesoureiro/a.

O/a Tesoureiro/a recadará e custodiará os fondos pertencentes á Federación e dará cumprimento das ordes de pago que expida o/a Presidente/a.



## CAPÍTULO V

### MEMBROS DA FEDERACIÓN

#### Artigo 21º.- Requisitos para asociarse.

Poderán pertencer á Federación todas aquelas asociacións de teatro afeccionado ou aqueles grupos de teatro afeccionado integrados nunha asociación sen ánimo de lucro, de carácter cultural, veciñal, etc. En centros educativos, tales como a Universidade, colexio, ou de asociacións de nais/pais (ANPAs), etc. Sempre e cando o grupo de teatro que teña, mostre un claro interese no desenvolvemento dos fins da Federación.

Deberán dirixir unha solicitude o/a Presidente/a, axuntando a documentación necesaria. Esta documentación será:

- Ficha de Inscripción.
- Fotocopia do CIF.
- Fotocopia dos Estatutos e da Acta Fundacional.
- Designación da persoa representante para as comunicacións entre a Asociación e Federación.
- Certificado expedido pola Xunta de Galicia onde figure que é unha Asociación sen Ánimo de Lucro.
- Certificado expedido pola Xunta de Galicia onde figure a composición dos órganos de Goberno da Asociación.
- Certificado expedido polo Secretario/a da Asociación conforme que os seus membros non pertencen a outra Asociación/Empresa co mesmo fin pero de ámbito profesional.
- Listado de Socios da devandita Asociación.

As solicitudes de admisión resolveranse nun prazo de tres meses dende a súa recepción. A Xunta Directiva poderá reservarse o dereito de admisión.

#### Artigo 22º.- Clases de socios.

Existirán as seguintes clases de asociados.

- a) Asociacións fundadoras, que serán aquelas que participen no acto de constitución da Federación.
- b) Asociacións de número, que serán as que ingresen despois da constitución da Federación.
- c) Socios de honra, os que polo seu prestixio ou por ter contribuído de modo relevante aos fins da Federación se fagan acredores a tal distinción.

#### Artigo 23º.- Causas de perda da condición de asociado.

- a) Por renuncia voluntaria, comunicada por escrito á Xunta Directiva.
- b) Por incumprimento das obrigas económicas, se non se aboara a cota no período establecido. A cota anual terase que aboar no primeiro trimestre do ano.



- c) Por conduta incorrecta, por desprestixiar á Federación con feitos ou palabras que perturben gravemente os actos organizados pola mesma e a normal convivencia entre as asociacións.
- d) Aqueles grupos de teatro ou asociacións nas que se demostre que perden o seu carácter non lucrativo ou cambien de condición xurídica.

Nos supostos de sanción e separación dos asociados, informarase en todo caso ao afectado dos feitos que poidan dar lugar a tales medidas, e escoitaráselles previamente, debendo ser motivado o acordo que, en tal sentido, se adopte.

A Xunta Directiva ten a capacidade de que unha Asociación perda a condición de asociado polas anteriores causas mencionadas. A Asociación afectada poderá recorrer ante a Asemblea Xeral a adopción de tales medidas.

**Artigo 24°.- Dereitos dos asociados.**

As asociacións de número e fundadoras terán os seguintes dereitos:

- a) Participar nas actividades da Federación e nos órganos de goberno e representación.
- b) Exercer o dereito a voto, así como asistir á Asemblea Xeral.
- c) Ser informado acerca da composición dos órganos de goberno e a súa representación.
- d) Ser oído con carácter previo a adopción de medidas disciplinarias contra el.
- e) Impugnar os acordos dos órganos da Federación que estimen contrarios á lei e aos Estatutos.
- f) Realizar suxestións aos membros da Xunta Directiva en orde ao mellor cumprimento dos fins da Federación.
- g) Expresar libremente as súas ideas e opinións.

Os socios de honra terán os mesmos dereitos, salvo o de voto na Asemblea Xeral e o de participación na Xunta Directiva da Federación.

**Artigo 25°.- Deberes dos asociados.**

Os asociados terán as seguintes obrigas.

- a) Compartir as finalidades da Federación e colaborar para a consecución das mesmas.
- b) Aboar as cotas, derramas e outras achegas que, con arranxo aos Estatutos poidan corresponder a cada asociado, salvo os de honra.
- c) Cumprir o resto das obrigas que resulten das disposicións estatutarias.
- d) Acatar e cumprir os acordos validamente adoptados polos órganos de goberno e representación da Federación.
- e) Fomentar, difundir e defender o teatro amateur no seu ámbito de actuación.
- f) Contribuír, co seu comportamento, ao bo nome e prestixio da Federación.

59770

49669010

*[Handwritten signature]*





## CAPÍTULO VI

### RÉXIME DE FINANCIACIÓN, CONTABILIDADE E DOCUMENTACIÓN

**Artigo 26º.-** Obrigas documentais e contables.

A Federación disporá dunha realización actualizada de asociados/as. Así mesmo, levará unha contabilidade onde quedará reflectida a imaxe fiel do patrimonio, os resultados, a situación financeira da entidade e as actividades realizadas. Tamén disporá dun inventario actualizado dos seus bens.

Nun libro de actas figurarán as correspondentes reunións que celebren os seus órganos de goberno e representación. O libro poderá ser substituído por actas realizadas en ordenador debidamente ordenadas e enumeradas.

**Artigo 27º.-** Recursos económicos.

Os recursos económicos previstos para o desenvolvemento dos fins e actividades da Federación serán os seguintes:

- As cotas dos socios, periódicas ou extraordinarias.
- As subvencións, legados ou herdanzas que puidera recibir de forma legar por parte dos socios/as ou de terceiras persoas físicas ou xurídicas.
- Calquera outro recurso lícito.

**Artigo 28º.-** Patrimonio inicial e peche do exercicio.

A Federación ten un patrimonio inicial de 50 Euros.

O peche do exercicio asociativo coincidirá co último día do ano natural.

## CAPÍTULO VII

### DISOLUCIÓN

**Artigo 29º.-** Acordo de disolución.

A asociación disolverase:

- Por vontade das asociacións expresadas mediante acordo da Asemblea Xeral.
- Por imposibilidade de cumprir os fins previstos nos estatutos apreciada por acordo da Asemblea Xeral.
- Por sentenza xudicial.

O acordo de disolución adoptarase pola Asemblea Xeral, convocada a tal efecto, por maioría de 2/3 das asociacións.



**Artigo 30º.- Comisión liquidadora.**

En caso de disolución, nomearase unha comisión liquidadora, a cal, unha vez extinguidas as débedas e, se existise sobranse líquido, destinarao para fins que non desvirtúen a súa natureza non lucrativa.

Os liquidadores terán as funcións que establecen os apartados 3 e 4 do artigo 18 da Lei Orgánica 1/2002 do 22 de marzo.

Copia electrónica auténtica de documento en papel

CVE: XGREX-09319ceea-eccb-3af3-973d-a6545a6acbbb

Asdo: O/A Secretario/a

Vº. Bº. O/A Presidente/a



XUNTA DE GALICIA  
CONSELLERÍA DE PRESIDENCIA,  
ADMINISTRACIÓN PÚBLICA E XUSTIZA  
Quedan VISADOS os presentes ESTATUTOS de ASOCIACIÓN...  
correspondendolle o número... 264... Sección... 2ª...  
do REGISTRO CENTRAL desta Comunidade Autónoma.

Santiago de Compostela

15 XAN. 2020



O/A ENCARGADO/A DO REGISTRO

María Antonia Rodríguez Carreira